

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA BANOVIĆI  
OPĆINSKO VIJEĆE**

Broj:10/01-02-333/14.

Datum, 03.12.2014.godine

Na osnovu člana 13.Zakona o principima lokalne samouprave u FBiH (« Sl.novine FBiH», broj 49/06), člana 25. Statuta općine Banovići (« Sl.glasnik općine Banovići», broj 3/08,11/11), člana 96. Poslovnika općinskog vijeća Banovići (« Sl. glasnik općine Banovići», broj 7/06, 9/11), Općinsko vijeće Banovići na **32**.redovnoj sjednici održanoj dana 03.12.2014.godine, razmatrajući prijedlog Odluke o naknadi za korištenje građevinskog građevinskog zemljišta, donijelo je slijedeći:

**ZAKLJUČAK**

**I**

**a/**Usvaja se Odluka o naknadama za korištenje građevinskog zemljišta uz slijedeće izmjene i dopune:

-Član 7. stav 1.mijenja se i glasi:" Naknadu za korištenje građevinskog zemljišta pravna lica plaćaju na račun budžeta općine Banovići i to mjesečno,a najkasnije do 15-tog u mjesecu za protekli mjesec.U slučaju neplaćanja ili zakašnjenja u plaćanju naknade obveznik pravno lice obavezan je platiti zateznu kamatu u skladu sa zakonom".

Iza stava 1.dodaje se novi stav koji glasi:"Obveznici fizička lica naknadu mogu plaćati u mjesečnom iznosu ili godišnje".

Dosadašnji stav 2.postaje stav 3.

-U članu 14.iza stava 3.dodaje se stav 4.koji glasi:" Obveznik koji bude oslobođen od obaveze plaćanja naknade za korištenje građevinskog zemljišta dužan je Službi za prostorno uređenje i stambeno komunalne poslove najkasnije do 31.03.svake godine računajući od godine u kojoj je rješenje o oslobađanju doneseno dostaviti dokaze kojima dokazuje da i dalje ispunjava uslove za oslobađanje.Ukoliko do navedenog roka ne dostavi te dokaze Služba za prostorno uređenje i stambeno komunalne poslove će po službenoj dužnosti donijeti rješenje o ukidanju rješenja o oslobađanju od obaveze plaćanja naknade za korištenje građevinskog zemljišta.

**b/**Zadužuje se radna grupa da u narednih šest mjeseci prati provođenje odredaba odluke te da u slučaju potrebe pripremi prijedlog izmjena i dopuna odluke.